

Naartuersittarneq pillugu
siunersiueqatigiittartut piffissami 1.
februaarimiit 31. juuli 2025-imut
nakkutilliinerinit nalunaarusiaq

Naartuersittarneq pillugu isumalioqatigiit

KALAALLIT NUNAAT

28. november 2025

Uannga allanneqartoq: mono/ASDR

Naartuersittarneq pillugu siunersieueqatigiittartut piffissami 1. februaarimiit 31. juuli 2025-imut nakkutilliinerinit nalunaarusiaq

Naartuersittarneq pillugu isumalioqatigiit

A. Naartuersittarneq pillugu isumalioqatigiit nakkutilliinissamik piginnaasaqarnerat

Naartuersinnissaq pillugu aalajangiinerni assigiiartumik periaaseqartoqarnissaa qulakkeerniarlugu, Naartuersinneq pillugu Kalaallit Nunaanut inatsit nr. 232, 12. juni 1975-imeersoq malillugu Kalaallit Nunaanni Naartuersittarneq pillugu isumalioqatigiit, naartuersittarneq pillugu siunersieueqatigiittartut Kalaallit Nunaanni sulinerat nakkutilliiffigisarpaa. Nakkutilliinermik pisussaaffiup saniatigut naartuersittarneq pillugu isumalioqatigiit nunap immikkoortuini assigiinngitsuni naartuersinnissamut akuersissutit itigartitsissutillu amerlassusaasa malinnaaffiginissaannut periarfissaqarput.

Kalaallit Nunaanni naartuersinneq pillugu suliassa qarfimmi inatsisiliernerit, aamma taamaammat inatsimmi aalajangersakkat malinneqarnerisa nakkutigineqarnerat, Indenrigs- aamma Sundhedsministereqarfiup pisussaaffigaa.

“Kalaallit Nunaanni naartuersittarnerit nakkutilliiffigineqarnerannut sulisaaseq”, ulloq 2. oktober 2024-imi Indenrigs- aamma Sundhedsministereqarfiup aalajangigaa, malillugu Naartuersittarneq pillugu isumalioqatigiit nakkutilliisarput.

B. Aalajangiinissamut tunngaviit

- Naartuersittarneq pillugu siunersieueqatigiittartut aalajangiinerni, noqqaassuteqarnermit qaammatit arfinillit kingulliit iluannit sumiiffinni naartuersittarneq pillugu siunersieueqatigiittartunit nakorsaanerup tigusimasaanit, nalunaarutigineqarsimasunit $\frac{1}{4}$ -it nassiunneqaqqullugit ukiup affakkuutaarlugu Naartuersittarneq pillugu isumalioqatigiit Nakorsaanermut noqqaassutigisarpaat.
- Siunersieueqatigiinnernit ukiup affakkuutaartumik misissuinerit taakku saniatigut, siunersieueqatigiittartut isumalioqatigiinnut ingerlaavartumik imaluunniit erseqqinnerusumik taasanik sulianik misissugassanik sulianik nassiusseqqullugit, Naartuersittarneq pillugu isumalioqatigiit naalakkiuteqarfigisinnaavaat.
- Tamatuma saniatigut suliat suliarineqarsimasut amerlassusaat taakkulu suussusaat pillugit paasissutissanik nassiusseqqullugit Naartuersittarneq pillugu isumalioqatigiit siunersieueqatigiittartut qinnuigisinnaavaat.

Tassani naartunermi sapaatit akunnerisa 12.-saata qaangiunnerani naartusup naartuersinnissaminik kissaateqarsimanera pillugu suliat, Naartuersittarneq pillugu isumalioqatigiit taamaallaat suliarisarpai.

C. Piffissaq nakkutilliiffiusoq 1. februaarimiit 31. juli 2025-imut

“Kalaallit Nunaanni naartuersittarnerit nakkutilliiffineqarnerannut sulisaaseq”-imi immikkoortoq 1 naapertorlugu, piffissami 1. februaarimiit 31. juuli 2025-imut siunersiueqatigiittartut aalajangiineri tamaasa nassuteqqullugit Naartuersittarneq pillugu isumalioqatigiit Nakorsaaneq ulloq 8. juli 2025 noqqaassuteqarfigisimavaat. Siunersiueqatigiittartut aalajangiineri Naartuersittarneq pillugu isumalioqatigiinnit ulloq 18. august 2025 tiguneqarsimapput.

D. Nakkutilliinerup annertussusaa

Nakkutilliineq suliarineqarsimasup aappassaa, ima suliarineqassasoq, piffissami 1. februaarimiit 1. juuli 2025-imut siunersiueqatigiittartuni suliat tamarmik tulleriissaaqqissaarlugit misissorneqarnissaannut nassiunneqassasut, Naartuersittarneq pillugu isumalioqatigiit Siulittaasuata nalilersimavaa.

Piffissami 1. februaarimiit 31. juuli 2025-imut siunersiueqatigiittartut aalajangiineri qulingiluat Naartuersittarneq pillugu isumalioqatigiit tigusimavaat. Suliat kinaassutsimik ilisarnarunnaarsakkat taakku tigunerisa kingorna, suliat nakkutilliinermi normumik nutaanik Naartuersittarneq pillugu isumalioqatigiit tunisimavaat: TS25/1 – TS25/8.

E. Piffissami nakkutilliiffiusumi siunersiueqatigiittartut aalajangiineri tiguneqarsimasut taakku arfineq pingasut pillugit pingaarnertut allaaserinninneq

Piffissami nakkutilliiffiusumi siunersiueqatigiittartut aalajangiineri arfineq pingasut Naartuersittarneq pillugu isumalioqatigiit tigusimavaat. Qulaani taaneqartut suliat taakku arfineq pingasut piffissami 1. februaarimiit 31. juuli 2025-imut siunersiueqatigiittartut aalajangiinerinut tamanut takussutissaapput.

Suliat taakku arfineq pingasut nunap ilaanut ima agguarneqarsimapput:

- 6 Nuummiit
- 1 Tasiilamiit
- 1 Aasiannit

Kingsissukkut naartuersissinnaanermut akuersissut suliani arfineq pingasuusuni arfineq marlunnut tunniunniunneqarpoq. Suliami ataatsimi akuersisoqanngilaq, taamaakkaluortoq kingorna Naartuersittarneq pillugu isumalioqatigiit naammagittaalliutigineqanngilaq.

Skiimap tamanut atugassiap Nakorsaannermit suliarineqarsimasup tamatigut atorneqarnissaa pillugu Naartuersittarneq pillugu isumalioqatigiit siunersiueqatigiittartunut 2023-imi piumasaqaataa massakkut atorneqartoq, tamannalu siunersiueqatigiittartut sulinerannut immiini assigiissaartumik sulisaatsimik qulakkeerinnessimasoq, sulianut taakkununga arfineq pingasunut Naartuersittarneq pillugu isumalioqatigiit maluginiarpaat.

F. Siunersiueqatigiit aalajangiineri, inatsisit atuuttut, periaatsit ilusiliinissamullu piumasaqaatit sulisaatsimi aalajangerneqartut aamma uppersaatsit attuumassuteqartut naapertorlugit aalajangerneqarsimanersut pillugit naliliineq

Suliat 5 (63% missaanniittut) qanoq itsilluguluunniit inatsisinut atuuttunut, periaatsinut ilusiliinissamullu piumasaqaatinut sulisaatsimi aalajangerneqartunut aamma uppersaatinik attuumassuteqartunik uppersaasiinissamik naammassinnittut, Naartuersittarneq pillugu isumalioqatigiit isumaqarput.

- Sulianit 5-nit taakkunannga 3 Nuummeersuupput, 1 Tasiilameersuuvoq aamma 1 Aasianneersuulluni.

Suliat 3 sinneruttut (37% missaanniittut) annerusumik minnerusumilluunniit inatsisinut atuuttunut, periaatsinut ilusiliinissamullu piumasaqaatinut sulisaatsimi aalajangerneqartunut aamma uppersaatinik attuumassuteqartunik uppersaasiinissamik naammassinningsut, Naartuersittarneq pillugu isumalioqatigiit isumaqarput.

Kisianni suliani taakkunani kukkunerit assigningsorujussuupput, aamma tamanna tunngavigalugu ataani taaneqartunik Naartuersittarneq pillugu isumalioqatigiit suliat kukkunillit erseqqinnerusumik immikkoortiterneqarneranik suliaqarsimavoq.

F.1 Siunersieqatigiittartut aalajangiineri pingaarutilinnik kukkuneqartut

Suliat piffissami 1. februarimiit 31. juuli 2025-imut arfineq pingasuusut pingaarutilinnik kukkunernik imaqqanngillat.

F.2. Siunersieqatigiittartut aalajangiineri annikitsunik kukkunillit

Suliat pingasut siullermik kukkunernik erseqqissunik allatut suussusilinnik imaqarput, taakkuli taamaattoq pingaaruteqartutut suussusilerneqarsinnaanngillat.

Suliani marlunni TS25/6-imi aamma TS25/7-imi, kukkunerit tassaapput, siunersieqatigiittartut ilaasortaamarmik siunersieqatigiittartut aalajangiineranni atsiorsimannginnerat.

Suliami 1-imi, TS25/8-imi, Kalaallit Nunaanni naartuersinneq pillugu inatsimmi §3. Imm.3 malillugu naartusup naartuersinnissamut piumasaqaatit malinneqarsimanersut siunersieqatigiittartut eqqortumik nalilerpaat. Kukuneq tassaavoq, siunersieqatigiit – naartuersinneq pitinnagu - naartuersinnermi imm.1 malillugu qinnuteqartoqarnerani tunngaviusussaq erseqqissumik nalilersuinnermi tunngavilersuineq imaqsimanersaq erseqqissumik uppersarneqarsimanngilaq, naartuersittarneq pillugu inatsimmi § 3, imm. 2 malillugu naarturnermi piffissami tassani akuliunnerup kinguneranik navianartorsioertitsinnermik annertusisitsisumut pissutaatinneqarnissaanut piviusumik naleqquttumillu isumaqarani.

Suliami tassani siunersieqatigiittartut suliamik suliarinninnerminni ilungersunartumik kukkussuteqarsimasut, Naartuersittarneq pillugu isumalioqatigiit tamatuma kingunerisaanik isumaqarput.

Naartuersittarneq pillugu isumalioqatigiit suliat taakkua pillugit ima oqaaseqaateqarput:

Siunersieqatigiittartut suliami tassani suliamik suliarinninnerminni ilungersunartorujussuarmik kukkussuteqarsimasut, aamma siunersieqatigiittartut tassunga atatillugu suliamik suliarinninnerat isorisariaqartutut isigisariaqartoq. Naartuersittarneq pillugu isumalioqatigiit isumaqatigiissut isumaqarput.

Ilaatigut isumalioqatigiit isorinninnerat oqaatiginiallugu ilaatigullu siunersieqatigiittartut suliaqarneranni uppersaasersuinnissaq pillugu piumasaqaatit paasineqarnissaat qulakkeerniallugu, siunersieqatigiittartunut pineqartunut Nunatsinni Nakorsaanerup attaveqarnissaa inassutigineqarportaaq.

G. Inerniliineq

Suliani pingaarutilinnik imaluunniit annertunerusunik kukkunilinni, kukkunerit annertussusaat pillugit naleqqiussineq 37%-iusoq (suliat pingasut) qaffasissorujussuusoq Naartuersittarneq pillugu isumalioqatigiit isumaqarput. Naartuersittarneq pillugu nakkutilliinnermit nalunaarusiami maaji 2025-meersumi kukkunerit

annertussusat pillugit naleqqiussineq 40% missaanniittoq ersepoq, tunngaviusumik tamanna akuerineqarsinnaanngitsumik ineriartorneruvoq.

H. Nakkutilliinermiit nalunaarusiaareersumit malittareqqiineq

Nakkutilliinerup kingulliup kingunerani Nakorsaaneqarfimmiit Peqqinnissaqarfimmi qullersat ataatsimeeqatigisarsimavaat, Naartuersittarneq pillugu isumalioqatigiit isornartorsiunerat nalunaarutigineqarluni. Taassuma saniatigut innersuussummik nakorsaaneqarfimmit suliaqarpoq, naartuersinneq pillugu inatsimmi maleruagassat erseqqissarneqarlutik, immikkut piumasaqaatit tassani tassa siunersiueqatigiittartut suliani ilaatinneqarnissaat ilanngunneqarlutik.

Tamannalu tunngavigalugu Naartuersittarneq pillugu isumalioqatigiit uppeaat, kukkuluttornerit ikiliartussasut.